



Ref/Secretaría Xeral/Juan Manuel Salguero del Valle

COMISIÓN MUNICIPAL DE SEGUIMIENTO DA EVOLUCIÓN DO COVID-19

DÍA 25 DE MARZO DE 2020

No Salón de Plenos da Casa Consistorial, sendo as 9.30 h do día 25 de marzo de 2020, reúnense as persoas relacionadas a continuación coa de fin de levar a cabo sesión ordinaria da Comisión Municipal de Seguimento da Evolución do COVID-19, en consonancia coa Resolución da Alcaldía de data 16 de marzo de 2020.

- 1.-Alcalde-Presidente.
- 2.-Primeira Tenente de Alcalde.
- 3.-Xefe da Policía Local.
- 4.-Responsables dos Servizos de Emerxencia e Protección Civil.
- 5.-Xefatura dos Servizos Sociais Municipais.
- 6.-Interventor Xeral.
- 7-Secretario Xeral.

Os acordos adoptados foron os seguintes:

1.-DACIÓN DE CONTA DE RECOMENDACIÓNS:

Polo **Sr.alcalde-presidente** dáse conta da seguinte información:

- ORDE da Consellería do Medio Rural de 23 de marzo de 2020 (DOG nº 58 de 24 de marzo) pola que adoptan medidas de carácter obrigatorio en relación co COVID-19 en cumprimento do Acordo do Centro de Coordinación Operativa da emerxencia sanitaria na Comunidade Autónoma de Galicia (Cecop), do 18 de marzo de 2020, sobre a venda directa de produtos agrogandeiros nos mercados, a venda de produtos vexetais para a plantación en hortas de consumidores finais e o desprazamento de agricultores e viticultores para os efectos da realización de actividades agrarias.

En virtud do disposto na devandita Orde, queda prohibida ata o 31 de marzo a realización dos mercados tradicionais que teñen lugar nos concellos de Galicia con venda directa de produtos agrícolas e gandeiros, e por ende, o Mercadillo de Ribeira dos sábados, que viña sendo autorizado ata a data.



O levantamento ou mantemento desta prohibición terá lugar despois do 31 de marzo e coas medias de seguridade xa adoptadas polo Concello de Ribeira no seu momento, entre as que destacan as seguintes:

a) En canto aos postos. Os postos deberán atoparse separados por unha vía de tránsito e cunha distancia mínima entre eles de 6 metros. Permítese unha separación mínima de 4 metros entre os laterais. Como forma de instalación dos postos na superficie do mercado, recoméndase unha disposición en triángulo (en forma de triángulo equilátero, evitando que un punto de venda estea enfrontado a outro).

Dentro dun mesmo posto as persoas vendedoras deberán gardar entre si unha distancia mínima de 2 metros, quedando restrinxida a actividade comercial a un único operador no caso de que as medidas do posto non fagan posible esta separación física.

Recoméndase aos responsables dos postos poñer á disposición da clientela luvas dun só uso. En todo caso, será indispensable o uso de luvas para tocar os produtos en venda. Recoméndase contar con dispensadores de xel desinfectante para uso tanto das persoas vendedoras como das persoas usuarias de acordo coas recomendacións das autoridades sanitarias.

b) En canto ás persoas vendedoras. Serán as persoas titulares da explotación agraria con actividade inscritas na sección de venda directa (Sevedi) do Rexistro de Explotacións Agrarias de Galicia (Reaga), parentes en primeiro grao que colaboran na actividade agraria ou empregados da explotación.

c) En canto ás persoas usuarias. A distancia mínima entre cada persoa usuaria do mercado será de 2 metros coas excepcións que establece para o efecto a normativa estatal.

A Policía Local, as agrupacións de voluntarios de Protección Civil e, en xeral, os axentes da autoridade velarán por que desde o inicio ata a conclusión do mercado se respecte esta distancia mínima persoal, regulando se for necesario o acceso para evitar aglomeracións e evitando na medida do posible calquera contacto social que non teña por obxecto a compravenda.

d) En canto á limpeza e recollida. Os refugallos xerados polo mercado deberán ser depositados en bolsas dentro dos colectores instalados para o efecto polos servizos municipais de limpeza e recollida de lixo, e, en todo caso, observaranse as determinacións que ao respecto se establezan nas ordenanzas ou bandos municipais.

2.-AGRADECEMENTOS:

Maniféstase o agradecemento pola cesión de uso de vehículos para diversas tarefas realizadas polas entidades NIMA, ANSPAL, MARISCAL, TARRIO E SUÁREZ, LISARDO, AQUALIA, ASIA CENTER.....

Faise mención expresa do donación de latas efectuada pola entidade Frinsa, ó mesmo tempo que informáse da disposición da Lonxa de Ribeira para



C O N C E L L O
D E
R I B E I R A

(A CORUÑA)

Declarado Municipio Turístico Galego

doación de pescado, cuio reparto será coordinado dende os Servizos Sociais., Protección Civil e entidades colaboradoras..

3.- DOTACIÓN DE MATERIAL:

Dáse conta da inminente recepción de mascarillas de protección enviadas dende a Xunta de Galicia e con destino principal ao Servizo de Axuda no Fogar, así como da doación por parte da entidade SOGRANI de mascarillas con filtro para desinfección que serán entregadas, a través de Protección Civil, á entidade Urbaser.

4.-SERVIZOS SOCIAIS:

A través de Cruz Vermella coordinarase o posible reparto de alimentos.

Igualmente coordinarase dende os Servizos Sociais a axuda domiciliaria a persoas maiores.

5.POLICIA LOCAL:-

Insístese na necesidade de concienciar á cidadanía da obriga de “quedarse na casa” coa fin de protexer a saúde de toda a cidadanía.

6.-VÍDEOS DE ÁNIMO:-

No ánimo de persuadir aos veciños a quedar na casa, continúase coa campaña para divulgar pequenos vídeos elaborados expresamente para este Concello por xente coñecida a escala local, galega, estatal e internacional.

Así, por exemplo no día de hoxe recibimos o alento de Emilio Sanmamed, Antonia Delatte e Ricardo de Barreiro.

Sendo as 10.40 h do día da data o Sr. alcalde-presidente ergue a Sesión de todo cando antecede dou fe e certifico.

O alcalde-presidente

o secretario xeral

Asdo. Manuel Ruiz Rivas

Asdo. Juan Manuel Salguero del Valle